



## XALQ DEPUTATLARI OHANGARON TUMAN KENGASHINING QARORI

2023 - yil 14 - yanvar

VI-77-1-10-134-K/23

Ohangaron tuman hokimligi

### Ohangaron tumanining 2023-yilgi mahalliy budjetini tasdiqlash to'g'risida

O'zbekiston Respublikasi Budjet kodeksining 99-moddasi, "2023-yil uchun O'zbekiston Respublikasining Davlat budjeti to'g'risida"gi Qonuniga muvofiq, Xalq deputatlari Toshkent viloyati kengashining 2023-yil 6-yanvardagi VI-67-1-10-0K/23-sonli qarorini inobatga olib hamda "Mahalliy davlat hokimiyati to'g'risida"gi Qonunning 6 va 24-moddalariga asosan, Xalq deputatlari Ohangaron tuman Kengashi,

### QAROR QILADI:

1. O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi Qonuni rahbarlik va ijro uchun qabul qilinsin.

2. O'zbekiston Respublikasining 2022-yil 30-dekabrda "2023-yil uchun O'zbekiston Respublikasining Davlat budjeti to'g'risida" O'RQ-813-son Qonuniga muvofiq, Ohangaron tuman mahalliy budjetining 2023-yil uchun daromadlari **79 392 432,0 mln.so'm** va xarajatlari **116 885,516 mln.so'm** prognoz qilinganligi ma'lumot uchun qabul qilinsin.

3. 2023-yil uchun Ohangaron tuman mahalliy budjeti daromadlari prognozi **1-ilovaga** muvofiq va tuman budjetidan hududiy budjet mablag'larini taqsimlovchilarga ajratiladigan mablag'larning cheklangan miqdori **2-ilovaga** muvofiq tasdiqlansin.

4. 2023-yil uchun tuman budjetiga umumdavlat soliqlaridan ajratmalar normativlari **3-ilovaga** muvofiq tasdiqlansin.

Bunda, ajratmalar normativlari bo'yicha viloyat mahalliy budjeti bilan Ohangaron tumani mahalliy budjetining taqsimotini o'rnatilgan tartibda tuman G'aznachilik bo'linmasi tomonidan amalga oshirilishi belgilab qo'yilsin.

5. 2023-yil uchun viloyat budjetidan tuman mahalliy budjetiga ajratiladigan tartibga soluvchi budjetlararo transfert miqdori **4-ilovaga** muvofiq tasdiqlansin.

Bunda, tartibga soluvchi budjetlararo transfert miqdorini tuman mahalliy budjeti daromadlari prognozi ijrosidan qat'iy nazar kamaytirishga yo'l qo'yilmasligi Qonunda belgilab qo'yilganligi ma'lumot uchun qabul qilinsin.

6. 2023-yil uchun Ohangaron tumanining tuman budjeti zaxira jamg'armasi hajmi 1097,876 mln.so'm miqdorida belgilansin.

Ohangaron tuman budjetining 2023-yil uchun zaxira jamg'armasi umumiy xarajatlarining kamida 1,0 foizi miqdorida shakllantirilsin.

Tuman budjetini ijro etishda yuqori turuvchi budjetdan ajratiladigan budjetlararo transfertning prognozidan oshgan qismi uchun tegishli budjetlarining zaxira jamg'armalar miqdorlariga aniqlashtirish kiritilmasligi inobatga olinsin.

7. 2023-yil uchun tuman budjeti shaxsiy g'azna hisobvarag'ida turgan budjet mablag'larining yo'l qo'yiladigan eng kam miqdori **610 638,0 ming so'm** etib belgilansin.

8. Qishloq xo'jaligiga mo'ljallanmagan yerlar bo'yicha tuman kesimida, ularning iqtisodiy rivojlanishiga qarab yer solig'i stavkasiga 0,5 dan 2,0 gacha kamaytiruvchi va oshiruvchi koeffitsiyentlarni qo'llagan holda yer solig'i stavkalari **5-ilovaga** hamda yuridik shaxslar bo'yicha mol-mulk soliqlari uchun qo'llaniladigan mutloq miqdorlari **6-ilovaga** muvofiq tasdiqlansin.

9. O'zbekiston Respublikasi Prezidentining 2022-yil 25-oktyabrdagi "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida"gi PQ-409-sonli qaroriga asosan, 2023-moliya yilidan boshlab:

a) "**Obod qishloq**" va "**Obod mahalla**" dasturlari doirasida moliyalashtiriladigan tadbirlar jamoatchilik fikri asosida "Ochiq budjet" axborot portali orqali ovoz berish yo'li bilan aniqlanishi.

Bunda, aholi tomonidan amalga oshirilishi taklif etilayotgan tadbirlar har bir mahalla bo'yicha bitta loyihalar paketi shaklida ovozga qo'yilishi;

b) Tuman budjetida shakllangan qo'shimcha mablag'larning 30 foizi tumanda jamoatchilik fikri asosida shakllantirilgan tadbirlarni moliyalashtirish uchun tuman "Fuqarolar tashabbusi jamg'armasi"ga yo'naltirilishi;

v) Tashabbusli budjetlashtirish jarayonlari uchun tuman budjetlarining 5 foizi miqdorida, biroq kamida **6,0 milliard** so'm mablag' rejalashtirilishi belgilanganligi.

g) "Obod qishloq" va "Obod mahalla" dasturlarini jamoatchilik fikri asosida tashabbusli budjetlashtirish jarayonlari orqali amalga oshirilishining yangi tartibi ishlab chiqilishi ma'lumot uchun qabul qilinsin.

10. Ohangaron tuman hokimining birinchi o'rinbosari Sh.Azamatov, tuman Moliya bo'limi (A.Merganov), tuman Davlat soliq inspeksiyasi (O.Xamdamov), tuman hokimligi va mas'ul bo'lim va tashkilotlar bilan birgalikda:

- tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

- mahalliy budjeti prognoz ko'rsatkichlarni o'z vaqtida va samarali bajarish;

- budjet mablag'laridan maqsadli va samarali foydalanish;

- budjet intizomiga rioya etilishi ustidan nazorat va mas'uliyatni yanada kuchaytirish;

- tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

- budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

11. Tuman Davlat soliq inspeksiyasi (O.Xamdamov) O'zbekiston Respublikasi Soliq kodeksida belgilangan vakolatlaridan kelib chiqib:

- soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

- yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlililar o'tkazgan holda, soliqlarni to'liq hisoblanishini

ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

- aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

- xatlov ishlarini samarali tashkil etish orqali yer va mol-mulk solig'ining soliq bazasini oshirish vazifasi yuklatilsin.

12. Tuman Davlat soliq inspeksiyasi (O.Xamdamov), tuman hokimligi bilan birgalikda:

- noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

- xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

- noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo'shimcha manbalari hisobidan "marksheydrlik" xizmatlaridan foydalanish lozimligi alohida belgilab qo'yilsin.

13. Majburiy ijro byurosi Ohangaron tuman bo'limi (N.Rajabov), tuman davlat soliq inspeksiyasi (O.Xamdamov) bilan hamkorlikda, soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rish vazifasi yuklatilsin.

14. Tuman Mahalla va nuroniylarni qo'llab quvatlash bo'limi

(M.Xolto'rayev) va tuman hokimligi, jismoniy shaxslarning yer va mol-mulk soliqlari bo'yicha joriy hisoblangan soliqlarni hamda ushbu soliqlardan mavjud soliq qarzdorliklarini undirish yuzasidan soliq organlariga amaliy yordam ko'rsatsin.

15. Tuman hokimligi tegishli bo'limlari, bo'sh turgan ob'ektlardan samarali foydalanishni tashkil etish markazining Toshkent viloyat hududiy boshqarmasi (L.Ataxodjayev) bilan birgalikda:

- bo'sh turgan davlat mulki ob'ektlarini aniqlash bo'yicha xatlov ishlarini samarali tashkil etish;
- xatlov natijalariga ko'ra tumanda mavjud bo'sh turgan davlat mulki ob'ektlari ro'yxatini shakllantirish;
- shakllantirilgan ro'yxatga asosan bo'sh turgan davlat mulki ob'ektlarini ijaraga berish yoki sotish bo'yicha tegishli takliflar tayyorlash;
- bo'sh turgan davlat mulki ob'ektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;
- xususiylashtirilishi mo'ljallangan bo'sh turgan davlat mulki ob'ektlarini "E-ijro auksion" maydonchasi orqali sotish ishlarini tashkillashtirsin.

16. Tuman hokimligi tegishli bo'limlari, tuman davlat soliq inspeksiyasi (O.Xamdamov), tuman moliya bo'limi (A.Merganov), davlat korxonalari hamda ustav kapitalida 50 foiz va undan ortiq davlat ulushi mavjud bo'lgan yuridik shaxslar tomonidan 2023-yil 1-iyulga qadar 2022-yil yakunlari bo'yicha o'z sof foydasining 50 foizidan kam bo'lmagan miqdoridagi ajratmalar va davlat ulushi bo'yicha dividendlarni 2023-yil 1-sentyabrdan kechiktirmay tegishli darajadagi budjetlarga o'tkazilishini ta'minlasin.

17. Tuman hokimligi tegishli bo'limlari, tuman davlat soliq inspeksiyasi (O.Xamdamov), Monopoliyaga qarshi ko'rashish qo'mitasi Toshkent viloyati hududiy boshqarmasi bilan birgalikda tashqi reklama ob'ektlarini to'liq xatlovdan o'tkazgan holda, ushbu tashqi reklama ob'ektlari bo'yicha shartnomalar tuzish choralari ko'rsin hamda ushbu shartnomalar bo'yicha yig'imlarni budjetga to'lanishi ustidan doimiy nazorat o'rnatsin.

18. Ohangaron tuman suv ta'minoti va tuman davlat soliq inspeksiyasi (O.Xamdamov), tuman hokimligi bilan birgalikda, tumanda sug'orishga

sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetlarga to'liq undirib olish choralarini ko'rsin.

Bunda, qishoq xo'jaligi korxonalari tomonidan iste'mol qilinayotgan suv resurslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

19. Tuman Ichki ishlar bo'limi (U.Jo'rayev), tuman Yo'l harakati xavfsizligi bo'limi (I.Bekov), Davlat xizmatlari markazi tuman bo'limi (Sh.Kuchimova), hisoblangan boj, jarima va yig'implarni o'z vaqtida o'rnatilgan tartibda budjetga undirish choralarini ko'rib borsin.

20. Xalq deputatlari tuman Kengashining Mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi (S.Biydayev):

- mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etilgan takliflari asosida budjet qonunchiligiga to'liq rioya etilgan holda Kengash qarori loyihasini ishlab chiqilishiga;

- Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatishga va natijalari bo'yicha tavsiyalar berishga monitoring qilishga;

- Mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etadi va ushbu mablag'larning maqsadli sarflanishi ustidan nazoratni amalga oshirishga mas'ul etib belgilansin.

21. Tuman hokimligi:

- tuman budjetlari jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirsin.

Bunda, tuman Xalq deputatlari, Yoshlar ishlar agentligi, tuman hokimligi huzuridagi Jamoatchilik kengashlari hamda yangi joriy etilgan hokim yordamchilari budjet jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishga mas'ul etib

belgilansin;

- mahalliy budjetlarning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan ob'ektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borsin.

22. Tuman hokimining birinchi o'rinbosari Sh.Azamatov, Xalq deputatlari tuman Kengashi kotibiyati, tuman hokimligi tegishli bo'lim boshliqlari:

- mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

- ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha Kengashga bir chorakda kamida bir marotaba hisobot kiritib borsin.

23. Tuman hokimining matbuot kotibi (E.Utbasov), qonunda belgilangan ayrim soliqlar va to'lov stavkalari, soliq solish tartiblari hamda boshqa ma'lumotlarni ommaviy axborot vositalarida yoritilishini ta'minlasin va mazkur qaror rasmiy e'lon qilinishini va "<http://ohangaron-t.toshvil.uz>" rasmiy veb-saytiga joylashtirilishini ta'minlash tavsiya etilsin.

24. Mazkur qaror bajarilishini nazorat qilish Xalq deputatlari tuman Kengashining Mahalliy budjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari doimiy komissiyasi (S.Biydayev) va tuman hokimining birinchi o'rinbosari Sh.Azamatov zimmasiga yuklatilsin.

25. Ushbu qaror rasmiy e'lon qilingan kundan boshlab kuchga kiradi.

Kengash raisi



A.Abdullayev

Xalq deputatlari Ohangaron tuman  
Kengashining  
2023 yil 14 yanvardagi  
VI-77-1-10-134-K/23-son qaroriga  
1-ilova

**1-ilova**

**Ohangaron tuman budjeti daromadlarining 2023 yildagi asosiy prognoz  
ko'rsatkichlari**

ming so'mda

<b>T/r</b>	<b>Daromad turlari</b>	<b>Summa</b>
1	Yuridik shaxslardan olinadigan foyda solig'i	1,644,047
2	Korxonalar aylanmasidan soliq	2,178,677
3	Jismoniy shaxslardan olinadigan daromad solig'i	9,478,478
4	Yakka tartibdagi tadbirkorlar uchun jismoniy shaxslardan olinadigan daromad solig'i	455,000
5	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	5,416,943
6	Yuridik shaxslarning mol-mulkiga solinadigan soliq	890,295
5	Jismoniy shaxslarning mol-mulkiga solinadigan soliq	3,977,066
6	Yuridik shaxslar yer solig'i	3,673,644
6	Jismoniy shaxslardan olinadigan yer solig'i	14,669,843
7	Qurilish materiallari bo'yicha yer qa'ridan foydalanganlik uchun soliq	11,014,844
8	Suv resurslaridan foydalanganlik uchun soliq	8,266,772
9	Davlat boji	
10	Jarimalar	
11	Davlat unitar korxonalari dividend tushumlari	
9	Davlat mulki bo'yicha ijara to'lovlari	186,838
10	Yig'img'lar	
11	Xususiylashtirish	
12	Boshqalar	
<b>JAMI</b>		<b>61,852,447</b>
	<b>Mobil aloqa xizmati va alkogol mahsulotlari, shu jumladan pivo uchun aksiz solig'i tushumlaridan tegishli ravishda o'tkazib beriladigan daromad</b>	<b>17,539,985</b>
13	Alkogol mahsulotlari, shu jumladan pivo	7,095,823
14	Mobil aloqa xizmati	3,043,695
15	Tamaki mahsulotlari aksiz solig'i	7,400,467



**JAMI DAROMAD**

**79,392,432**

Xalq deputatlari Ohangaron tuman  
Kengashining  
2023 yil 14 yanvardagi  
VI-77-1-10-134-K/23-son qaroriga  
2-ilova

## 2-ilova

**2023 yil uchun Ohangaron tuman budjetidan birinchi darajali budjet  
mablag'larini taqsimlovchilarga ajratiladigan mablag'larning cheklangan  
miqdorlari**

ming so'mda

<b>№</b>	<b>Ko'rsatkichlar</b>	<b>Summa</b>
	<b>Xarajatlar miqdori, Jami</b>	<b>116 885 516</b>
	<i>shu jumladan:</i>	
<b>1</b>	<b>Maktabgacha ta'lim bo'limi</b>	<b>7 298 538</b>
	<i>shu jumladan:</i>	
	joriy xarajatlar	<b>7 298 538</b>
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>2</b>	<b>Xalq ta'limi boshqarmasi</b>	<b>8 572 858</b>
	<i>shu jumladan:</i>	
	joriy xarajatlar	<b>8 572 858</b>
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>4</b>	<b>Sog'liqni saqlash boshqarmasi</b>	<b>42 365 201</b>
	<i>shu jumladan:</i>	
	joriy xarajatlar	<b>42 365 201</b>
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>6</b>	<b>Madaniyat va sport, ommaviy axborot vositalari</b>	<b>951 303</b>
	<i>shu jumladan:</i>	
	joriy xarajatlar	<b>951 303</b>
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>7</b>	<b>Turizm va sport boshqarmasi</b>	<b>3 877 333</b>
	<i>shu jumladan:</i>	
	joriy xarajatlar	<b>3 877 333</b>

	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
8	<b>Bolali oilalarga va kam ta'minlangan oilalarga nafaqalar va kompensatsiyalar</b>	<b>13 852 104</b>
9	<b>Ozodlikdan mahrum etish jazosini o'tab bo'lgan fuqarolarga «dastlabki ijtimoiy-moddiy yordam paketi»</b>	<b>18 400</b>
10	<b>Ijtimoiy ko'nikma markazlari</b>	<b>90 482</b>
11	<b>Obodonlashtirish boshqarmasi</b>	<b>11 621 215</b>
	<i>shu jumladan:</i>	
	joriy xarajatlar	11 621 215
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
12	<b>Tuman veterinariya va chorvachilik bo'limi</b>	<b>963 407</b>
	<i>shu jumladan:</i>	
	joriy xarajatlar	963 407
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
13	<b>Fermerlar xo'jaliklari buxgalteriya markazlari</b>	<b>561 375</b>
	<i>shu jumladan:</i>	
	joriy xarajatlar	561 375
14	<b>Suv xo'jaligi vazirligi tashkilotlari</b>	<b>1 042 419</b>
	<i>shu jumladan:</i>	
	joriy xarajatlar	1 042 419
8	Mahalliy budjetlarda hokim yordamchilarining tavsiyalari asosida mahalla infratuzilmasini yaxshilash uchun	755 721
15	<b>Davlat boshqaruv idoralari</b>	<b>15 132 822</b>
16	<b>Fuqarolarning o'zini o'zi boshqarish organlarini</b>	<b>2 684 462</b>
17	<b>Zahira jamg'armasi</b>	<b>1 097 876</b>
18	<b>Fuqarolar tashabbusi jamg'armasi</b>	<b>6 000 000</b>

Xalq deputatlari Ohangaron tuman Kengashining  
2023 yil 14 yanvardagi  
VI-77-1-10-134-K/23-son qaroriga  
3-ilova

### 3-ilova

## Umumdavlat soliqlaridan Ohangaron tuman mahalliy budjetiga ajratmalar me'yori

Yakka tartibdagi tadbirkorlar uchun jismoniy shaxslardan olinadigan daromad solig'i	Yuridik shaxslardan olinadigan foyda solig'i	Jismoniy shaxslardan olinadigan daromad solig'i	Yuridik shaxslarning mol-mulkiga solinadigan soliq	Yuridik shaxslardan olinadigan yer solig'i	Jismoniy shaxslardan olinadigan yer solig'i	Jismoniy shaxslarning mol-mulkiga solinadigan soliq	Aylanma-dan olinadi-gan soliq	Suv resurslaridan foydalanganlik uchun soliq (elektr stansiyalari tomonidan to'lanadigan soliq hamda Bo'stonliq tumani bundan mustasno)	Qurilish materiallari bo'yicha yer qa'ridan foydalanganlik uchun soliq (yirik soliq to'lovchilar tomonidan to'lanadigan qurilish materiallari bo'yicha yer qa'ridan foydalanganlik uchun soliq bundan mustasno)	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	Davlat mulki bo'yicha ijara to'lovlari
100	10%	15%	5%	5%	100%	100%	30%	100%	100%	15%	100%

Xalq deputatlari Ohangaron tuman  
Kengashining  
2023 yil 14 yanvardagi  
VI-77-1-10-134-K/23-son qaroriga  
4-ilova

**4-ilova**

**Ohangaron tumani mahalliy budjetiga  
2023 yilda viloyat budjetidan ajratiladigan tartibga  
soluvchi budjetlararo transfert miqdorlari**

**ming so'mda**

<b>T/r</b>	<b>Tuman va tumanlar</b>	<b>Summa</b>
1	Ohangaron tuman	37 493 084,0

Xalq deputatlari Ohangaron tuman  
Kengashining  
2023 yil 14 yanvardagi  
VI-77-1-10-134-K/23-son qaroriga  
5-ilova

## 5-ilova

### Qishloq xo'jaligiga mo'ljallanmagan yerlar bo'yicha mahallalar kesimida yer solig'i stavkalari uchun 2023 yilda belgilangan koeffitsiyentlar

T/r	Tuman va tumanlar nomi	Yuridik shaxslardan undiriladigan yer solig'i stavkalari, 1 ga uchun		Jismoniy shaxslar bo'yicha, 1 kv.m uchun	
		Koeffitsiyent (0,5 dan 2 gacha)	Yer solig'i stavkasi 2023 yil uchun (so'mda)	Koeffitsiyent (0,5 dan 2 gacha)	Yer solig'i stavkasi 2023 yil uchun (so'mda)
1	Alisher MFY	1,00	29,700	1,00	267,3
2	G'alla QuduQ MFY	0,90	26,730	1,00	267,3
3	Gulobod MFY	1,00	29,700	1,00	267,3
4	Gushsoy MFY	1,00	29,700	0,90	240,6
5	Yonariq MFY	1,00	29,700	1,10	294,0
6	Ilg'or MFY	1,00	29,700	1,00	267,3
7	Qiziloy MFY	1,00	29,700	1,00	267,3
8	Qorasuvyoqa MFY	1,00	29,700	0,90	240,6
9	Ko'ksaroy MFY	1,00	29,700	0,90	240,6
10	Quyun MFY	1,00	29,700	1,00	267,3
11	Markaziy qo'rgon MFY	1,00	29,700	1,10	294,0
12	Oybuloq MFY	0,90	26,730	1,10	294,0
13	Sanam MFY	0,90	26,730	0,90	240,6
14	Susam MFY	1,00	29,700	1,00	267,3
15	Telov MFY	1,00	29,700	1,00	267,3
16	Toshariq MFY	1,00	29,700	1,10	294,0
17	Tut MFY	0,90	26,730	1,00	267,3
18	Ubayd MFY	0,90	26,730	1,00	267,3
19	Ungut MFY	1,00	29,700	0,90	240,6
20	O'zbekiston MFY	0,95	28,215	1,00	267,3
21	Chet-suv MFY	1,00	29,700	0,90	240,6

22	Chinor MFY	1,00	29,700	1,00	267,3
23	Chuvildoq MFY	1,00	29,700	1,00	267,3
24	Shovg'oz MFY	0,90	26,730	1,00	267,3
25	Shodmalik MFY	1,00	29,700	1,00	267,3
26	Eyvalek MFY	1,00	29,700	1,10	294,0
27	Yalpoqtepa MFY	0,95	28,215	0,90	240,6
28	Yangi Hayot MFY	1,00	29,700	1,00	267,3
29	Yangiobod MFY	1,00	29,700	1,10	294,0
30	Nurobod MFY	1,10	32,670	1,10	294,0
31	Ozodlik MFY	1,10	32,670	1,10	294,0
32	Qaroxitoy MFY	1,10	32,670	1,10	294,0
33	Ovjazsoy MFY	1,10	32,670	1,10	294,0
34	Sartamg'ali MFY	1,00	29,700	1,10	294,0

Xalq deputatlari Ohangaron tuman  
Kengashining  
2023 yil 14 yanvardagi  
VI-77-1-10-134-K/23-son qaroriga  
6-ilova

**6-ilova**

**Yuridik shaxslar bo'yicha mol-mulk soliqlari uchun qo'llaniladigan mutloq  
miqdorlari**

<b>T/r</b>	<b>Tuman va tumanlar nomi</b>	<b>Koeffitsiyent (mutloq miqdor)</b>	<b>Belgilangan qiymat (so'm)</b>
1	Ohangaron tuman	0.9	900 000